



24. januar 2023

Inatsisartut ingerlatsinermut maleruagassaanni § 37 imm. 1 tunngavigalugu Naalackersuisunut ukuningga apeqquteqaateqarpunga:

**Naalackersuisunut apeqquteqaatit:**

1. FN meeqqat pillugit aalajangersagaanut iliuusissatut pilersaarutit qanoq ilillutik inatsisitigut qulakkeerneqassanersut Naalackersuisut nassuiarsinnaanerlunikku?
2. Nunatsinni meeqqat angerlarsimaffiup avataanut inissinneqartartut inatsisitigut tunngaveqartumik ilumut ingerlanersut Naalackersuisut nalilernerlunikku?
  - a. Meeqqat angerlarsimaffiup avataanut inissinneqarnerini, ilaqtariit pisinnaatitaaffitsigut qulakkeerneqarnissaannut Naalackersuisut nakkutiginnittussaataertik qanoq sulissutigaa?
  - b. Meeqqat angerlarsimaffiup avataanut inissinneqartunut isinnaatitaaffitsigut qulakkeerrinniffiginissaat Naalackersuisut tamatumani nakkutiginnittussaataallutik qanoq suliniuteqarpap?
3. Ukiuni tallimani kingullerni Isumaginninnermut Naammagittaalliuuteqartarfiup ukunangga suliassat qassit suliarisimalerpai:
  - a. Angerlarsimaffiup avataanut inissiinerit?
  - b. Meeqqat pillugit ernummassuteqarluni allagaqarnernut tunngatillugu pisortanit naammaginngitsumik qisuariaateqartoqarsimanerani/suliaqartoqarsimanerani?
    - i. Isumaginninnermut Naammagittaalliuuteqartarfiup ukiuni tallimani kingullerni qasseriarlutik pisortat isornartorsiornikuuat?
4. Nunatsinni angajoqqaajusinnaanermut piginnaasanik misilitsittarnerup danskisuinnaq ingerlanneqartarnerisooq Naalackersuisut uppernarsarsinnaanerlunikku, soorlu Danmarkimi taama pisoqartarsimasooq, pisinnaatitaaffit avaqqullugit kalaallit meerartai angerlarsimaffiup avataanut inissinneqartarsimasut?
5. Pineqartumut Naalackersuisut allanik paasissutissiisinnaanerlutik?

(Inatsisartunut ilaasortaq Anna Wangenheim, Demokraatit)

**Tunngavilersuut**

Inatsisartut Ombudsmandiata meeqqat toqqissisimanginnissaminnut ernumanaateqartunut aammalu ikiorneqarnissaminnik pisariaqartitsisunut pisinnaatitaaffitsigut iluamik ikiorneqanngitsut pillugit kommuunit suliassaminnik naammaginngitsumik aammalu inerteqqutimik ingerlatsisarnerat ukiumiit ukiumut nalunaarutigisarpaa.



Inatsisit pioreersut imaluunniit inatsisit pioreersumut imaluunniit inatsisit arlallit pioreersut aqqissusseqqiffiginerisigut qulakkeerneqartussanik FN meeqqat pillugit pisinnaatitaaffiisa aalajangersagai atuutinneqarnissai anguniarlugu Naalakkersuisut iliuusissatut pilersaarutissatut saqqummiussaa nutaaq paasisaqarfiginerussallugu soqutigaara.

Naalakkersuisut saqqummiussinerat siornatigut suliarereernikuusanik maannakkullu ingerlateriikkanik saqqummiussinnartutut Meeqqat Oqaaseqartartuanit, MIO, isornartorsiorneqarput, soorlu Inatsisartunut Ilaasortatut meeqqat pisinnaatitaafii malillugit inatsisit ilumut qulakkeerinnersut paasissallugu pingaartuusoq.

Apeqqutit ullut qulit suliffiusut iluanni akineqareersimanissaat kissaatigaara.